

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Menippus sive dialogorum satyricorum centuria  
inanitatum nostratum speculum**

**Andreä, Johann Valentin**

**Cosmopoli [i.e. Straßburg], 1618**

92. Cornucopiae

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

ditioni, & subditorum fidelitati, & Divino nomi-  
mini maximam & eluendam fieri injuriam.

## 92. CORNUCOPIÆ.

A. Quid suspiras ô amice? B. Vides rem publi-  
cam, cum principum, tum privatorum o-  
pera perditum iri? A. Est quod in his deside-  
res? B. Multum & multa: A. Si tibi copix cornu  
foret, quid nam potissimum concederes? B. Sing-  
ulis adderem, singulis demerem aliquid. A. Dic  
quid Principibus? B. Darem plus religionis, au-  
ferrem prodigalitati. A. Quid consularijs? B.  
Plus illis velim animi, minus privati. A. Quid  
Consistorio? B. Plus misericordix, minus con-  
sensus. A. Quid Curialibus? B. Plus peritiæ, minus  
timarum. A. Quid nobilibus? B. Plus fortitudinis,  
minus fastus. A. Quid aulicis? B. Plus temperan-  
tiæ, minus prophanitatis. A. Quid Theologis? B.  
Plus exempli, minus ambitionis. A. Quid lu-  
isconsultis? B. Plus conscientix minus lucri. A.  
Quid Medicis? Plus experientix, minus invidi-  
x. A. Quid Professoribus? B. Plus cerebri, mi-  
nus supercilij. A. Quid Ludimagistris? B.  
Plus solidi, minus Scholasticismi. A. Quid Poli-  
ticiis? B. Plus integritatis, minus atheismi. A.  
Quid historicis? B. Plus prudentiæ, minus fabu-  
larum. A. Quid Ethnicis. B. Plus Christianismi,  
minus paganorum. A. Quid Physicis? B. Plus sa-  
gacitatis, minus credulitatis. A. Quid Mathe-  
maticis? B. Plus praxeos, minus vertiginis. A.

H 2

Quid

Quid Astronomis? B. Plus cœli, minus erro-  
 rum. A. Quid Astrologis? B. Plus observationis,  
 minus superstitionis. A. Quid Arithmeticis? B.  
 Plus ingenij, minus regularum. A. Quid Diale-  
 cticis? B. Plus demonstrationis, minus terminor-  
 um. A. Quid Rhetoricis? B. Plus veritatis, mi-  
 nus loquacitatis. A. Quid Poëtis? B. Plus simpli-  
 citatis, minus salacitatis. A. Quid Musicis? B.  
 Plus eruditionis, minus levitatis. A. Quid Gram-  
 maticis? B. Plus salarij, minus vocabulorum. A.  
 Quid Studiosis? B. Plus lectionis, minus sum-  
 ptuum. A. Quid Pharmacopolis? B. plus fide-  
 litatis, minus avaritiæ. A. Quid Chymicis? B.  
 Plus rationis, minus mendacij. A. Quid Mecha-  
 nicis? B. Plus subtilitatis, minus vanitatis. A.  
 Quid pictoribus? B. Plus Physices, minus ob-  
 scenitatis. A. Quid statuarijs? B. Plus ana-  
 tomix, minus pulveris. A. Quid Architectis?  
 B. Plus modestiæ, minus luxus. A. Quid Biblio-  
 polis? B. Plus cordis, minus nugarum. A. Quid  
 Agricolis? B. Plus humanitatis, minus perfidiæ.  
 A. Quid Magistratui? B. Plus condolentiæ, min<sup>9</sup>  
 otij. A. Quid præfectis? B. Plus legum, minus ar-  
 bitrij. A. Quid Oeconomis? B. Plus frontis, mi-  
 nus furti. A. Quid Judicibus? B. Plus æquitatis,  
 minus securitatis. A. Quid advocatis? B. Plus char-  
 ritatis, minus unguium. A. Quid Mercatoribus?  
 B. Plus pœnitentiæ, minus divitiarum. A. Quid  
 Militibus? B. Plus verbi Dei, minus sanguino-  
 lentix. A. Quid Civibus? B. Plus obsequij, mi-  
 nus calumniarum. A. Quid subditis? B. Plus pre-  
 cum, minus curiositatis. A. Quid Viris? B. Plus

patien-

patientia, minus Zelotypia. A. Quid mulieribus? B. Plus silentij, minus supellectilium. A. Quid Parochis? B. Plus vigilantia, minus decimarum. A. Quid aedituis? B. Plus candoris, minus stultiat. A. Quid auditoribus? B. Plus aurium, minus linguarum. A. Quid Iuuenibus? B. Plus imitationis, minus temeritatis. A. Quid mendicantibus? B. Plus laboris, minus libidinis. B. Satisne somniatum? B. Satis omnino, cum tales quales habemus nobis retinendi sint.

93. MAURITIUS.

A. VNus in armis Mauritius. B. Quis Mauritius? A. Apage quisquis Nassovium Heroam, Belgij fulcrum, Germaniae decus, Victoriae filium ignoras. B. Ignorare ais? quem Orbis universus novit & collaudat, ego vero nesciebam an hunc Martem velles. A. Hunc, hunc certe, quo nostra secula nihil tulerunt fortius simul & ingeniosius. B. Id debebat terrae Vraniana illa foelix arbor, ut immature & intempestive recisa, roboris & stratagematum furculum relinqueret. A. Felici sydere natum oportet, & Fortunae candidarum, qui ad maxima quaeque & gloriosissima natus apparet. B. Quin peritior potius, & subacto ingenio adscribis, quam fortunae arbitrio? A. Quoniam tanta gloria artibus & viribus inaccessa videretur. B. At ego crediderim, quicquid in eo rari & stupendi, id omne a cognitionis, & experientiae conjunctione provenisse.